

Naqqiut
Isumaliutissiissut novemberip 20-eersoq 2019 taarserpaa
(innersuussutit ilanngunneqarput)

**Nunatta inuiattut timersornikkut unammersuarterfissaanik FIFA-p
piumasaqaataanut naapertuuttumik pilersitsinerup avataaniit
aningaasaliisussarsiuunnissaanut periarfissanik aningaasalersueriaasissatut
ilusissamillu misissuisussanik suleqatigiisitamik pilersitseqqullugit Naalakkersuisut
peqquneqarnissaannik Inatsisartut aalajangiiffigisassaattut siunnersuut.
Suleqatigiissitaq aningaasalersuinissamik misissuinerup inerneranik UKA2020-imi
Naalakkersuisut Inatsisartunut saqqummiutissagaat.
Inatsisartunut ilaasortaq Anders Olsen, Siumut**

pillugu

**Kultureqarnermut, Ilinniartitaanermut Ilisimatusarnermut Ilageeqarnermullu
Ataatsimiititaliap**

siunnersuutip aappassaaneerpeqarneranut

ISUMALIUTISSIISSUTAA

Ataatsimiititaliap suliarinninnermini inuttarai:

Inatsisartunut ilaasortaq Doris J. Jensen, Siumut, Siulittaasoq
Inatsisartunut ilaasortaq Peter Olsen, Inuit Ataqatigiit, Siulittaasup tullia
Inatsisartunut ilaasortaq Mala Høy Kuko, Siumut
Inatsisartunut ilaasortaq Nivi Olsen, Demokraterne
Inatsisartunut ilaasortaq Sofia Geisler, Inuit Ataqatigiit

UKA 2019-imi ulloq 6. november siullermeerinninnerup kingorna ataatsimiititaliap
siunnersuut misissorpaa.

1. Siunnersuutip imarisai siunertaalu

FIFA-mi malittarisassat malillugit nunatta inuiattut timersornikkut
unammersuarterfissaanik sanaartornermut aningaasalersueriaasiusinnaasut, suliniummut
pilersaarummi siusinnerusukkut Inatsisartunut saqqummiunneqarsimasumi allassimasut

tunngavigalugit suleqatigiissitamik aningaasaliisuusinnaasunik kajumilersitsisinnaanermik misissuisussamik pilersitsinissamik Naalakkersuisut siunnersuutikkut peqquneqarput. Nunatta Inuiattut Timersornikkut Unammersuaartarfissaa Nuummi inissisimassaaq. Suleqatigiissitap inerniliinera kingusinnerpaamik UKA2020-mi saqqummiunneqassaaq.

2. Siunnersuutip Inatsisartuni siullermeerneqarnera

Siullermeerinninnermi siunnersuut Naalakkersuisunit partiillu oqaaseqartuinit amerlanerussuteqartunit taparserneqarpoq. Taamaalillunilu Siumumit, Inuit Ataqatigiinnit, Partii Naleqqamit, Atassummit Suleqatigiissitsisunillu allanik oqaaseqaateqarfingineqarani taparserneqarluni.

3. Ataatsimiititaliap siunnersuummik suliarinninnera

Ataatsimiititaliaq Ilinniartitaanermut, Kultureqarnermut, Ilageeqarnermut Nunanullu Allanut Naalakkersuisumut allakkatigut apeqqutinik nassiussaqarpoq.

4. Siunnersuutip aningaasaqarnikkut kingunissai

Suleqatigiissitamik pilersitsineq allaffissornikkullu aningaasartuutit 1 mio. kr.-iussasut siunnersuuteqartup allassimavaa.

Naalakkersuisut tamatumunnga oqaaseqaatissaqarsimanngillat.


5. Ataatsimiititaliap inassuteqaatai

Ataatsimiititaliami amerlanerussuteqartut Siumut Inuit Ataqatigiillu ilaasortaataat siunnersuut akuerisassatut innersuuppaat.

Ataatsimiititaliami ikinnerussuteqartut Demokratineersut siunnersuummut oqaaseqaatiliorput: Taamaattorli Nunatta Inuiattut Timersornikkut Unammersuaartarfissaa pillugu taakku pilersaarutaat pillugu Kommuneqarfik Sermersuumut Siorarsiorfimmullu saaffiginnittoqartinnagu aningaasaliissutinik immikkoortitsinissaq Demokraatinit kissaatigineqanngilaq.

Taamaammat ataatsimiititaliami ikinnerussuteqarlutik itigartinnissaa innersuussutigaaq.


Ataatsimiititaliap taama oqaaseqaateqarluni isumaliutissiissummilu allassimasutut paasinnilluni siunnersuut aappasaaniigassanngortippaa.



Doris J. Jensen

Siulittaasoq


Peter Olsen

Siulittaasup tullia


Nivi Olsen


Mala Høy Kuko


Sofia Geisler